



SAOPŠTENJE ZA JAVNOST

Sarajevo, 09.12.2014.

Montessori i Cambridge priznanja za „Blooming Child“ školu

Nakon što je akreditovana od strane međunarodnog Montessori odbora za procjenu i akreditovanje (Montessori Evaluation and Accreditation Board - MEAB), „Blooming Child“ škola dobila je i odobrenje od Cambridge ustanove za međunarodne ispite da sprovodi svjetski priznati obrazovni program.

„Blooming Child“ škola u Sarajevu je jedina akreditovana Montessori škola u Bosni i Hercegovini i regiji. Montessori odbor za procjenu i akreditovanje - MEAB je osnovan 2008. godine u Engleskoj sa ciljem da sve škole u svijetu, koje koriste Montessori ime, pružaju jednak nivo kvalitete u obrazovanju djece.

Nakon MEAB-a, i Cambridge je prepoznao kvalitetu edukacijskog sistema kojeg pruža „Blooming Child“ kroz predškolsko i školsko obrazovanje.

„Veliko nam je zadovoljstvo objaviti da se Blooming Child škola iz Sarajeva pridružila globalnoj zajednici Cambridga-e i radujemo se dugoj i uspješnoj saradnji,“ rekao je Michael O'Sullivan, izvršni direktor Cambridge ustanove za međunarodne ispite.

Cambridge program je program koji pruža međunarodni obrazovni program za djecu i dio je Cambridge univerziteta, koji je jedan od svjetski najboljih i najpouzdanijih u pružanju visokih standarda u obrazovanju. Cambridge testovi su rigorozni ali fleksibilni, i vode ka međunarodnim kvalifikacijama priznatim svuda u svijetu.

„Ponosni smo da su dvije visoko rangirane akademske institucije MEAB i Cambridge, prepoznali kvalitet naše škole. Koristeći Montessori pristup i Cambridge program, usmjeravamo učenike ka aktivnom i kreativnom obrazovnom putovanju, gradeći čvrste temelje za ostale nivoe školovanja,“ izjavila je Maëlys de Rudder, direktorica Blooming Child-a.

Predškolska ustanova i Osnovna škola „Blooming Child“ su u potpunosti registrovane ustanove prema važećim zakonima i propisima Kantona Sarajevo.